


唐詩類苑





唐詩類苑第九十一卷

仁和卓明卿澂父編輯

華亭張之象玄超

長洲毛文蔚豹孫同校

祠廟部

祠

岑參龍女祠一首

龍女何處來來時乘風雨祠堂青林下  
宛宛如相語蜀人競祈恩捧酒仍擊鼓

洪子輿嚴陵祠一首



唐詩類苑 卷之九十一 補石部 補石部  
漢王召子陵歸宿洛陽數客星今安在隱迹猶可見  
水石空潺湲松篁尚葱蒨岫深翠陰合川迥白雲徧  
幽徑茲蕪沒荒祠暮霜霰垂釣想遺芳掇蘋羞野薦  
高風激終古語理忘榮賤方驗道可尊山林情不變

李白魯郡堯祠送吳五之琅玕一首

堯沒三千歲青松古廟存送行奠桂酒拜舞清心寬  
日色促歸人連歌倒芳樽馬嘶俱醉起分首更何言  
李白魯郡堯祠送竇明府簿華還西京一首  
朝策犁眉騮舉鞭力不堪強扶愁疾向何處角巾微  
服堯祠南長楊掃地不見日石門噴作金沙潭咲誇

故人指絕境山光水色青如藍廟中往往來擊鼓堯  
本無心爾何苦門前長跪雙石人有女如花日歌舞  
銀鞵繡轂往復迴簸林蹶石鳴風雷遠烟空翠時明  
滅白鷗歷亂長飛雪紅泥亭子赤欄干碧流環轉青  
錦湍深沈百丈動海底那知不有蛟龍蟠君不見綠  
珠潭水流東海綠珠紅粉沉光彩綠珠樓下花滿園  
今日魯无一枝在昨夜秋聲聞闔來洞庭水落騷人  
哀遂將三五少年輩登高送遠形神開生前一笑輕  
九鼎魏武何悲銅雀臺我歌白雲倚窓牖尔聞其聲  
但揮手長風吹月渡海來遙看仙人一盃酒酒中樂



酣宵向分舉觴酬堯堯可聞何不令臯繇擁篲橫入  
極直上青天揮浮雲高陽小飲真瑣瑣山公酩酊何  
如我竹林七子去道賒蘭亭雄筆安足誇堯祠天殺  
五湖水至今憔悴空荷花爾向西秦我東越暫向瀛  
洲訪金闕藍田太白若可期為余掃洒石上月

杜甫湘夫人祠一首

肅肅湘妃廟空墻碧水吞蟲書玉佩蘚蕪舞翠帷塵  
晚泊登汀樹微磬借渚蘋蒼梧恨不淺染淚在叢筠

杜甫祠南夕望一首

百丈牽江色孤舟泛日斜興來猶杖履目斷更雲沙

山鬼迷黍竹湘娥倚暮花湖南清絕地萬古一長嗟

崔曙同諸公謁啓母祠一首

闕宮凌紫微芳草閉閒扉帝子復何在王孫遊不歸  
春風鳴玉佩暮雨拂靈衣豈但湘江口能令懷二妃  
宋之問黃潭舜祠一首

虞世巡百越相傳葬九疑精靈遊北地祠樹日光輝  
禋祭忽群望丹青圖二妃神來獸率舞仙去鶴還飛  
日暝山氣落江空潭靄微帝鄉三萬里乘彼白雲歸

廟

杜甫禹廟一首



禹廟空山裏秋風落日斜荒庭垂橘柚古屋畫龍蛇  
雲氣牛虛壁江聲走白沙早知乘四載疏鑿控三巴

宋之問謁禹廟一首

夏王乘四載茲地發金符峻命終不易報功疇敢踰  
先驅總昌會後至復靈誅玉帛空天下衣冠照海隅  
旋聞厭黃屋便道出蒼梧林表祠轉茂山阿井詎枯  
舟遷龍負壑田變鳥耘蕪舊物森如在天威肅未殊  
玄夷屆瑤席玉女侍清都奕奕閨闈邃軒七仗衛趨  
氣清連曙海雲白洗春湖猿嘯有特苔禽言常自呼  
靈歆異烝禘予樂匪笙竽茅殿今不襲梅梁古製無

運逢日崇麗業盛荅昭蘇伊昔力云盡而今功尚敷  
揆材非箭美精享愧生芻郡職昧爲理拜空寧自誣  
下車霰已積攝事露行濡人隱翼多祐曷難寤薄軀

玄宗過老子廟一首

仙居懷聖德靈廟肅神心草合人踪斷塵濃鳥迹深  
流沙丹灶沒閑路紫烟沉獨傷千載後空餘松柏林

杜甫冬日洛城謁玄元皇帝廟一首

配極玄都闕憑高禁禦長守桃巖具禮掌節鎮非常  
碧瓦初寒外金莖一氣傍山河扶繡戶日月近雕梁  
僊李盤根大猗蘭奕葉光世家遺舊史道德付今王



畫手看前輩吳生遠擅場森羅移地軸妙絕動宮墻  
五聖連龍袞千官列鴈行冕旒俱秀發旌旆盡飛揚  
翠栢深留景紅梨迴得霜風箏吹玉柱露井凍銀床  
身退卑周室經傳拱漢王谷神如不死養拙更何鄉

玄宗經河上公廟一首

昔聞有耆叟河上獨遺榮跡與塵囂隔心將道德并  
詎以天地累寧為寵辱驚矯然遡寥廓如何屈堅貞  
玄玄妙門啓肅肅祠宇清冥漠無先後那能紀姓名  
蘇頌奉和聖製經河上公廟應制一首

河流无日夜河上有神仙輦路曾經此坎陽即宛然

下疑成洞穴高若在空中烟善物遺芳外和光繞道邊  
事因周史得言向武王傳嘉厲膺期聖邦家業又玄

張說奉和聖製經河上公廟應制一首

河上無名老知非漢代人先探道德要留待聖明辰  
玄妙為天下清虛用谷神化將和氣一用與太初鄰  
灵廟觀遺像仙歌入玉尊皇心齊萬物何處不同春

張九齡奉和聖製經河上公廟應制一首

昔者河邊叟誰知隱與仙姓名終不識章句此空傳  
跡為坐忘晦言由強著詮精灵竟何所祠宇独依然  
道在紆宸勝風行動睿篇從茲化天下清淨復何先



杜甫題衡山縣文宣王廟新學堂呈陸宰一首

旄頭彗紫微無復俎豆事金甲相排蕩青衿一憔悴  
嗚呼已十年儒服弊于地征夫不遑息學者淪素志  
我行洞庭野竊得文翁肆泆泆曾子行若舞風零至  
周室宜中興孔門未應棄是以資雅才渙然立新意  
衡山雖卜邑首唱恢大義因見縣尹心根源舊宮闕  
講堂非曩構大屋加塗墍不可容百人墻隅亦深邃  
可必三千徒始厭戎馬氣林木在庭戶密幹豐倉翠  
有井朱夏時輓轡凍堦所耳聞讀書聲殺伐災髣髴

故園延歸望衰顏減愁思南紀收波瀾西湖共風味  
采詩倦跋涉載筆尚可記高歌激宇宙凡百慎失墜

劉希夷謁漢始祖廟一首

春陵氣初發漸臺首未傳列營自萬衆持國十八年  
運開朱旗後道合赤符先定城劔鳴匣昆陽鏑應弦  
獷獸血塗地巨人聲沸天長驅過北趙短兵出南燕  
太守迎門外王郎死道邊昇垓九成陌端拱千秋年  
朝廷方雀躍劔佩幾聯翩至德刑四海神儀翳九泉  
宗子行舊邑恭聞清廟篇君容穆而聖臣像儼猶賢  
攢木承危柱踈蘿掛朽椽祠庭巢鳥啄祭噐網虫緣



懷古江山在，惟紅曆數遷。空餘今夜月，長似舊廟懸。  
李百藥登葉縣故城謁沈諸梁廟一首  
總轡臨秋原，登城望寒日。烟霞共掩映，林野俱蕭瑟。  
楚塞鬱不窮，吳山高漸出。客行殊未已，沐澡期終吉。  
椒桂奠芳樽，風雲下虛室。館宇肅而靜，神心康且逸。  
伊我非真龍，勿驚疲朽質。

李頎登首陽山謁夷齊廟一首

古人已不見，喬木竟誰過。寂寞首陽山，白雲空復多。  
蒼苔歸地骨，皓首采微歌。畢命無怨色，成仁若其何。  
我來入遺廟，昔候徵清和。落日吊山鬼，回風吹女蘿。

石門正西豁，引領望黃河。千里一飛鳥，孤光東逝波。  
驅車層城路，惆悵比巖阿。

李頎二妃廟送裴侍御使桂陽一首

沅上秋草晚，蒼七堯女祠。無人見精魄，萬古寒猿悲。  
桂水身歿後，椒漿神降時。回雲迎赤豹，驟雨颯文狸。  
受命出炎海，焚香徵楚詞。乘驄感遺跡，上弔涓川湄。

崔曙緱山廟一首

遺廟宿陰陰，孤峯映綠林。步隨仙路遠，意入道門深。  
澗水流年月，山雲變古今。祇聞風竹裏，猶有鳳笙音。

宋之問緱山廟一首



唐詩類苑 卷之九十一 補正  
王子賓仙去飄飄笙鶴飛徒聞滄海變不見白雲歸  
天路何其遠人間此會稀空歌日云暮霜月漸微微  
岑參先主武侯廟一首

先主與武侯相逢雲雷際感通君臣分義激魚水契  
遺廟空蕭然英靈貫千歲

杜甫謁先主廟一首

慘淡風雲會乘時各有人力侔分社稷志出偃經綸  
復漢留長策中原仗老臣雜耕心未已歐血事酸辛  
霸氣西南歇雄圖曆數屯錦江元過楚劔閣復通秦  
舊俗存祠廟空山立鬼神虛簷交鳥道枯木半龍鱗

竹達清溪月苔移玉座春閭閻男女換歌舞歲時新  
絕域歸舟遠荒城繫馬頻如何對搖落况乃久風塵  
孰與關張並功臨耿鄧親應天才不小得士契无鄰  
遲暮堪帷幄飄零且釣緼向來憂國淚寂寞洒衣巾  
杜甫武侯廟一首

遺廟丹青落空山草木長猶聞辭後主不復卧南陽  
杜甫上卿翁請修武侯廟遺像缺落時崔卿

權夔州一首

大賢為政卽多聞刺史真符不必分尚有西郊諸葛  
廟卧龍無首對江濱



杜甫諸葛廟一首

父游巴子國屢入武侯祠竹日斜虛寢溪風滿薄帷  
君臣當共濟賢聖亦同時豈戴歸先主并吞更出師  
虫蛇穿畫壁巫覡醉蛛絲歎憶吟梁父躬耕起未遲

高適題尉遲將軍新竹一首

周室既版蕩賊臣立嬰兒將軍獨激昂誓歆酬恩私  
孤城日無援高節終可悲家國共淪亡情竇空在斯  
沉七積冤氣寂七無人知良牧懷深仁與君建明祠  
父子俱血食軒車每逶迤我來薦蘋蘩感歎與此詞  
晨光上階闥殺氣翻旌旗明明幽冥理至誠信莫欺

唯夫二千石多慶方自茲



唐詩類苑第九十一卷終

唐詩類苑 卷之九十一 雜部 九

唐詩類苑第九十二卷

仁和卓明卿澂父編輯

華亭張之象玄超

長洲毛文蔚豹孫同校

產業部

農

杜甫秋行官張望督促東渚耗稻向畢清晨

遣女奴阿稽豎子阿段往問一首

東渚雨今足佇聞稊稻香上天無偏頗蒲稗各自長

人情見非類田家戒其荒功夫競櫓七除草置岸傍



谷者命之本客居安可忘青春具所務勤墾免亂常  
吳牛力容易並驅動莫當豐苗亦已概雲水照方塘  
有生固蔓延靜一資隄防督領不無人提携頗在綱  
荆揚風土暖肅肅候微霜尚恐土守疎用心未甚減  
清朝遣婢僕寄語踰崇岡西成聚必散不獨陵我倉  
豈要仁里譽感此亂世忙北風吹兼葭蟋蟀近中堂  
荏苒百工休鬱紆遲暮傷

李嶠咏田一首

貢禹懷書日張衡作賦辰杏花開鳳畛菖葉布龍鱗  
瑞麥兩岐秀嘉禾同穎新寧知帝皇力擊壤自安貧

杜甫為農一首

錦里烟塵外江村八九家圓荷浮小葉細麥落輕花  
卜宅從茲老為農去國賒遠隨勾漏令不得問丹砂

杜甫茅堂檢校收稻二首

香稻三秋末平田百頃間喜無多屋宇幸不礙雲山  
御袂侵寒氣嘗新破旅顏紅鮮終日有玉粒未吾慳

又

稻米炊能白秋葵煮復新誰云滑易飽老藉軟俱勻  
種華房州熟苗同伊闕春無勞映渠益自有色如銀

杜甫刈稻了味懷一首



唐詩類苑卷之九十一  
稻穫空雲水川平對石門寒風疎草木旭日散鷄豚  
野哭初聞戰樵歌稍出村無家問消息作客信乾坤

杜甫行官張望補和畦水歸一首

東屯大江北百頃平若按六月青稻多千畦碧泉亂  
插秧適云已引溜加溉灌更僕往方塘決渠當斷岸  
公私各地著浸潤無天旱主守問家臣分明見溪畔  
竿竿烟翠羽剌剌生銀漢鷗鳥鏡裏來關山雪邊看  
秋菰成黑米精鑿傅白粲玉粒足晨炊紅鮮任霞散  
終然添旅食作苦期壯觀遺穗及衆多我倉戒滋蔓

蘇頲奉和聖製至長春宮登樓觀稼穡之作

一首

帝迹奚其遠皇符之所崇敬時堯務作盡力禹稱功  
赫赫惟元后經營自左馮變蕪杭稻實流惡水泉通  
國臯猶前豹人疲詎昔熊黃圖巡沃野清吹入離宮  
是闔京坻富仍觀都邑雄憑輕一向綺積溜寫晴空  
禮節家安外和平倍在中見龍垂渭北辭鴈指河東  
睿思方居鎬宸遊若飲豐寧夸子雩從祗爲獵扶風

陳子昂題田洗馬遊岳桔槔一首

望苑長爲客商山遂不歸誰憐北陵井未息漢陰機

元結漫歌八曲



故城東一首

漫惜故城東良田野草生說向縣大夫大夫勸我耕  
耕者我為先耕者相次焉誰愛故城東今為近郭田

西陽城一首

江北有大洲洲上堪力耕此中宜五谷不及西陽城  
城畔多野桑城中多古荒衣食可力求此外何所望

大回中一首

樊水飲東流大江又北來樊山當其南此中為大回  
回中魚好遊回中多釣舟漫欲作漁人終焉無所求

小回中一首

叢石橫大江人言是釣臺水石相衝激此中為小回  
回中浪不惡復在武昌郭來客去客船皆向此中泊

將牛何處去二首

將牛何處去耕彼故城東相伴有田父相歡惟牧童

又

將牛何處去耕彼西陽城叔閑修農具直者伴我耕

將船何處去二首

將船何處去釣彼大回中叔靜能鼓撓正者隨弱翁

又

將船何處去送客小回南有時逢惡客還家亦少酣



杜甫佐還山後寄二首

白露黃梁熟分張素有期已應春得細頗覺寄來遲  
味豈同金菊香官配綠葵老人他日愛正想滑流匙

又

幾道泉澆圃交橫落幔坡歲蕤秋葉小隱快野雲多  
隔沼連香艾通林帶女蘿甚聞霜薤白重惠音如何

織

虞世南賦得中婦織流黃一首

寒閨織素錦含怨劍雙蛾綜新交縷温經脆斷絲多  
衣香逐舉袖釧動應鳴梭還恐裁縫罷無信達交河

漁

李頎漁父歌一首

白首何老人策笠蔽其身避世長不仕釣魚清江濱  
浦沙明濯足山月靜垂綸寓宿湍與瀨行歌秋復春  
持橈湘岸竹藝火蘆洲新綠水飯香稻青荷包紫鱗  
於中還自樂所欲全吾真而咲獨醒者臨流多苦辛

岑參漁父一首

扁舟滄浪叟心與滄浪清不自道鄉里無人知姓名  
朝從灘上飯暮向蘆中宿歌竟還復歌手持一竿竹  
竿頭釣絲長丈餘鼓拽乘流無定居世人那得識深



唐詩卷之九十一 意此翁取適非取魚

儲光羲漁父詞一首

澤魚多鳴水溪魚好上流漁梁不得意下渚潛垂釣  
亂行時碍揖新蘆復隱舟靜言念終始安坐看沉浮  
素髮隨風揚遠心與雲遊逆浪還極浦信潮下滄洲  
非爲狗形役所樂在行休

高適漁父歌一首

曲岸深潭一山叟駐眼看釣不移手世人欲得知姓  
名良久問他不開口笄皮笠子荷葉衣心無所營守  
釣磯料得孤舟無定止日暮持竿何處歸

張志和漁父詞五首

西塞山邊白鷺飛桃花流水鱖魚肥青箬笠綠蓑衣  
斜風細雨不須歸

釣臺漁父褐爲裘兩兩三三舴艋舟能縱棹慣乘流  
長江白浪不曾憂

嘗溪灣裏釣漁翁舴艋爲家西復東江上霜浦邊風  
笑著荷衣不歎窮

松江蟹舍主人歡菘飯蓴羹亦共食楓葉落荻花乾  
醉宿漁舟不覺寒

青草湖中月正圓巴陵漁父棹歌連釣車子楸頭船



樂在風波不用仙

張志和漁父一首

八月九月蘆花飛南溪老人垂釣歸秋山入簾翠滴  
滴野艇倚檻雲依依却把漁竿尋小徑閑梳鶴髮對  
斜暉翻嫌四皓曾多事出為儲皇定是非

李頎鮫人歌一首

鮫人潛織水底及側身上下隨遊魚輕綃文綵不可  
識夜月澄波流月色有時寄宿來城市海島青冥無  
極已涇珠報恩君莫辭今年相見明年期始知萬族  
無不有百尺深泉架戶牖鳥沒空山誰復望一望雲

濤堪白首

杜甫觀打魚歌一首

綿州江水之東津魴魚鱗七色勝銀漁水漾舟沉大  
網截江一擁數百鱗衆魚常才盡却棄赤鯉騰出如  
有神潛筍無聲老鮫怒迴風颯七吹沙壘饗于左右  
揮霜刀鱠飛金盤白雪高徐州秃尾不足憶漢陰槎  
頭遠遁逃魴魚肥美知第一既飽驩娛亦蕭瑟君不  
見朝來割素鬢咫尺波濤永相失

杜甫觀打魚歌一首

蒼江漁子青晨集設網提綱萬魚急能者操舟疾若



唐詩類苑八卷之九十一 產業部 七 崧齋本

風撐突波濤挺義入小魚勝漏不可紀半死半生猶  
戰戰大魚傷損皆垂頭強泥沙有時立東津觀魚  
已再來主人罷鱸還傾杯日暮蚊龍段窟穴山根鱸  
鮪隨雲雷干戈兵革闢未已鳳凰麒麟安在哉吾徒  
胡為縱此樂暴殄天物聖所哀

常廷漁浦一首

春至青草綠波澤聞鷓鴣別家投釣翁今世滄浪情  
漚紆為緼袍折麻為長纓榮譽失本真恠人浮此生  
碧水月自滿安流淨而平扁舟與天際獨往誰能名

儲光義釣魚灣一首

垂釣綠灣春黍深杏花亂潭清疑水淺荷動知魚散  
日暮待情人維舟綠楊岸

沈佺期釣竿篇一首

朝日歛紅烟垂竿向綠川人疑天上坐魚似鏡中懸  
避楫時驚透猜釣每誤牽湍危不理轄潭靜欲留船  
釣玉君徒尚徵金我未賢為看芳餌下貪得會無筌

樵

孟浩然採樵作一首

採樵入深山山深水重疊橋崩卧槎擁路險垂藤接  
日落伴將稀山風拂薜衣長歌負輕策平野望烟歸

唐詩類苑八卷之九十一 產業部 八 崧齋本



唐詩類苑卷之九十二 產業部 八 牧齋賦本

儲光羲樵父詞一首

山北饒朽木山南多枯枝枯枝作採薪焚室私自知  
詰朝礪斧尋視暮行歌歸先雪隱薜荔迎暄卧茅茨  
清澗日濯足喬林時曝衣終年登險阻不復憂安危  
蕩漾與神遊莫知是與非

牧

儲光羲牧童詞一首

不言牧田遠不道牧陂深所念牛馴擾不亂牧童心  
圓笠覆我首長策披我襟方將憂暑雨亦以惧寒陰  
大牛隱曾坂小牛穿近林同類相鼓舞觴物成謳吟

於右山湖上之青峯噫風塵瀕洞兮豺虎咬人忽失  
準杖兮吾將曷從

拂子

杜甫櫻拂子一首

櫻拂且薄陋豈知身效能不堪代白羽有足除蒼蠅  
熒熒金錯刀擢擢朱絲繩非獨顏色好亦用顧盼稱  
吾老抱疾病家貧卧炎蒸嘔膚倦撲滅賴尔耳服膺  
物微世兢棄義在誰肯徵三歲清秋至未敢闕絨滕

樽

顏真卿登峴山觀李左相石樽聯句一首

唐詩類苑卷之九十三 郊



李公登飲處因石為窪樽真卿人事歲年改峴山今

古存劉全秦蕪掩前跡苔蘚餘舊痕裴循叔子尚遺

德山公此迴軒張薦維舟陪高興感昔情弥敦吳道士

藹藹賢哲事依依離別言強蒙嶇嶇橫道周迢迢連

山根范縉餘烈暖林野衆芳揖蘭茲王純德暉映岩

足勝賞延高原魏理逶水明匹練因晴見吳門王修甫

陪遊追盛美揆德欣討論張峴器有成形用功資造

化元左輔流霞方泔淡別鶴遽翩翩劉戎舊規傾逸

賞新興鹿初暎顏渾醉後接籬倒歸時騶駟喧元暢德

遲迴向遺跡離別益傷魂薛介覽事古興屬送人歸

張說奉和聖製校獵義成喜逢大雪應制一首

文教資武功郊畋闕邦政不知仁育久徒看禽獸盛

夜散氛埃滅朝日山川靜綽仗飛走繁抨弦筋骨勁

帝射參神道龍蛇合人性五豕連一發百中皆先命

勇爵鈞萬夫雄圖羅七聖星為吉符老雪作豐年慶

喜聽行獵詩威神入軍令

孟浩然從張丞相獵贈裴迪一首

從禽非吾樂不好雲夢田歲暮登城望偏令鄉思懸

參卿有數子卑躬何翩翩七世祿金張貴官曹幙府連



順時行殺氣飛刃爭割鮮十里宿賓館微聲匝伎筵  
高標回落日平楚壓芳烟何意狂歌客從公亦在旃  
魏知古從獵渭川獻詩一首

嘗聞夏太康五弟訓禽荒我后成冬狩三驅盛禮張  
順時鷹隼擊講事武功揚奔走未成去翺飛豈暇翔  
飛熊從渭水瑞鶴想陳倉此款誠難縱茲游不可常  
子雲陳羽獵僖伯諫魚棠得失鑒齊楚仁思念禹湯  
雍熙亮在宥亭毒匪多傷辛甲今爲史虞箴遂孔彰

孟雲卿行行且遊獵篇一首

少年多武力勇氣冠幽州何以縱心賞馬蹄春草頭

遲遲平原上狐兔奔林丘猛火忽前逝俊鷹連下講  
俯身逐南北輕捷固難儔所發無不中失之如我仇  
豈唯務馳騁倚爾暴田疇殘殺非不痛古來良有由

李白行且遊獵篇一首

邊城兒平生不讀一字書但將遊獵誇輕趨胡馬秋  
肥宜白草騎來躡影何矜驕金鞭拂雪揮鳴鞘半酣  
呼鷹出遠郊弓灣滿月不虛發雙鶴迸落連飛鷗海  
邊觀者皆辟易猛氣英風振沙磧儒生不及遊俠人  
白首下帷復何益

李白秋獵孟諸夏歸置酒單父東樓觀妓一



首

傾暉速短炬走海無停川冀餐圓丘草款以還頽年  
此事不可得微生若浮烟駿發誇名駒雕弓控鳴弦  
鷹豪魯草白狐兔多肥鮮邀遮相馳逐遂出城東田  
一掃四野空喧呼鞍馬前歸來獻所獲炮炙宜霜天  
出舞兩美人颺七若雲仙番歡不知疲清曉方未旋

李白送族弟凝至晏堏单父三十里一首

雪滿原野白戎裝出盤遊揮鞭布獵騎四顧登高丘  
兔起馬足間蒼鷹下田疇喧呼相馳逐取樂銷人憂  
捨此戒禽荒微聲列齊謳鳴鷄發晏堏別鴈驚涑溝

西行有東音寄與長河流

王昌齡觀獵一首

角鷹初下秋草稀鉄驄拋鞚去如飛少年獵得平原  
兔馬後橫指意氣歸

王維觀獵一首

風勁角弓鳴將軍獵渭城草枯鷹眼疾雪盡馬蹄輕  
忽過新豐市還歸細柳營迴看射雕處千里暮雲平

李白觀獵一首

大守耀清載乘閒弄晚輝江沙橫獵騎山火繞行圍  
箭逐雲鴻落鷹隨月兔飛不知白日暮歡賞夜方歸



唐詩卷之九十一 太宗冬狩一首

太宗冬狩一首

烈烈寒風起慘七飛雲浮霜濃類廣隰冰厚結清流  
金鞍多上苑千勒騁田疇族旗四望合且羅一面求  
楚踏爭免殪秦巴角鹿愁獸蛇投密樹鳥驚起閑州  
騎歛原塵靜戈迴嶺日收心非洛汭逸意在渭濱游  
禽荒非所樂撫轡更招憂

杜甫冬狩行一首

君不見東川節度兵馬雄狡獪亦但觀成功夜祭猛  
士三千人清晨合圍步驟同禽獸以斃十七八殺聲  
落日迴蒼穹幙前生致九青兕駝駝岷峴垂玄熊東

西南北百里間髣髴蹴踏寒山空有鳥名鸚鵡力不  
能高飛逐走蓬肉味不足登鼎俎胡為見羈虞羅中  
春蒐冬狩候得同使君五馬一馬驄况今攝行大將  
權號令頗有前賢風飄然時危一老翁十年厭見旌  
旗紅喜君士卒甚整肅為我回轡擒西戎草中狐兔  
盡何益天子不在咸陽宮朝廷雖無幽王禍得不哀  
痛塵丹蒙嗚呼得不哀痛塵再蒙

唐詩卷之九十一 太宗冬狩一首



唐詩類苑卷之九十一 陸游詩 十四 陸游詩

唐詩類苑第九十二卷終

唐詩類苑第九十三卷

仁和卓明卿澂父編輯

華亭張之象玄超

長洲毛文蔚豹孫同校

器用部

舟

李嶠咏舟一首

征棹三江暮連檣萬里迴相烏風際轉畫鷁浪前開  
羽客乘霞至仙人弄月來何當同傳說特展巨川材

駱賓王浮查一首

唐詩類苑

卷之九十一

陸游詩



唐詩類苑 卷之九十一  
昔負千尋質高臨九仞峰貞心凌晚桂勁節掩寒松  
忽值風飄折坐爲波浪衝摧殘空有恨擁腫遂無庸  
渤海三千里泥沙幾萬重似舟飄不定如梗泛何從  
仙客終難託良工豈易逢徒懷萬乘器誰爲一先容

武三思凝碧池侍宴應製得出水槎一首

彼木牛何代爲槎復幾年欲乘銀漢曲先泛玉池邊  
擁溜根橫岸沈波影倒懸無勞問蜀客此處卽高天

徐堅棹歌行一首

棹女飾銀鈎新粧下翠樓霜絲青桂檝蘭棹紫霞舟  
水落金陵曙風起洞庭秋移船過曲浦飛帆下回流

影入桃花浪香飄杜若洲洲長殊未返蕭散雲霞晚  
日下大江平烟生歸岸遠岸遠聞潮波沿途遊戲多  
因聲趙津女來賦採菱歌

駱賓王棹歌一首

寫月圖黃罷凌波拾翠通鏡花搖芰日衣麝人荷風  
葉露舟難蕩蓮疎浦易空鳳媒羞自託鴛翼恨難窮  
秋帳燈光翠倡樓粉色紅相思無別曲併在棹歌中

元結欸乃曲五首

偶存名跡在人間順俗與時未安閑來謁大官兼問  
政扁舟却入九疑山



二

湘江二月春水平  
滿月和風宜夜行  
唱棹欲過平陽戍  
守吏相呼問姓名

三

千里楓林烟雨深  
無朝無暮有猿吟  
停桡靜聽曲中意  
好是雲山韶護音

四

零陵郡北湘水東  
浯溪形勝滿湘中  
溪口石顛堪自逸  
誰能相伴作漁翁

五

下瀧舡似入海淵  
上瀧船似欲昇天  
瀧南始到九疑郡  
應絕高人乘輿船

張說同趙侍御望扁舟一首

山亭迥迥看長川  
江樹重重極遠烟  
形影相追高翥鳥  
心腸併斷北飛舡

杜甫放舡一首

送客蒼溪縣山寒  
雨不開直愁騎馬滑  
故作泛舟回青惜  
峯巒過黃知橘柚來  
江流翠自在坐穩興悠哉

杜甫進艇一首

南京又客耕南畝  
北望傷神坐北窓  
晝引老妻乘小



言詩苑 八卷之九十三 器月部 三  
艇晴看稚子浴清江俱飛蛺蝶元相逐並蒂芙蓉本  
自雙茗飲蔗漿携所有瓷甃無謝土爲缸

車

李嶠車一首

天子馭金根蒲輪闢四門五神趨雪至雙轂似雷奔  
丹鳳棲金轄緋熊載寶軒無階忝虛左珠乘奉王言

鏡

張說味鏡一首

寶鏡如明月出自秦宮樣憑起雙盤龍啣珠儼相向  
常恐君不察匣中委清量積翳掩花光虛心澈塵狀

儻蒙羅袖拂光生玉臺上

孟浩然清鏡嘆一首

妾有盤龍鏡清光常晝發自從生塵埃有若霧中月  
愁來或取照坐嘆生白髮寄語邊塞人如何久離別

李白代美人愁鏡一首

明明金鵲鏡了了玉臺前拂拭皎冰月光輝何清圓  
紅顏老昨日白髮多去年鉛粉坐相誤照來空淒然

李白代美人愁鏡一首

美人贈此盤龍之寶鏡燭我金縷之羅衣持將紅袖  
拂明月爲惜普照之餘輝影中金鵲飛不滅臺下青



鴛鴦獨絕藁砧一別若箭弦去有日來無年狂風吹却妾心斷王筋併墮菱花前

駱賓王咏鏡一首

寫月無芳桂照月有花菱不持光謝水翻將影學冰

李嶠照子一首

明鑑掩塵埃含情照魏臺日中鳥鵲至花裡鳳凰來  
王彩疑冰徹金輝似月開方知樂彥輔自有鑒人才

張文恭佳人照鏡一首

倦採薜蘿葉貪憐照膽明兩邊皆拭淚一處有啼聲

楊容華臨鏡曉粧一首

林鳥驚眠罷房櫳曙色開鳳釵金作縷鴛鏡玉為臺  
粧似臨池出人疑向日來自憐方未已欲去復徘徊

劉希夷覽鏡一首

青樓掛明鏡臨照不勝悲白髮今如此人生能幾時  
秋風下山路明月上春期嘆息君恩盡容顏不可思

崔顥雜詩一首

可憐青銅鏡掛在白玉堂玉堂有美女嬌弄明月光  
羅袖拂金鵲綵屏照紅粧粧罷含情坐春風桃李香

簾

太宗賦簾一首



參差垂玉牖舒卷映蘭宮珠光採數月竹影亂清風  
綵散銀鈎上文斜柱戶中唯當雜羅綺相與媚房櫳

李嶠簾一首

清風時入燕紫殿幾含秋曖曖籠靈閣織織上玉鈎  
窓中翡翠動戶外水精浮巧作盤龍勢長迎飛燕遊

萬楚咏簾一首

玳瑁昔稱華玲瓏薄絳紗鈎啣門勢曲節亂水紋斜  
日弄長飛鳥風搖不捲花自當分內外非是為驕奢

喬知之妹咏破簾一首

已漏風聲罷繩持也不禁一從經落節無復有真心

惟

李嶠惟一首

久閉先生戶高寒太守車羅將翡翠合錦逐鳳凰舒  
明月彈琴夜清風入幌初方知决勝策黄石受兵書  
弄

李嶠咏弄一首

洞徹琉璃蔽威紆屈膝迴錦中雲母列霞上織成開  
山水含春動神仙倒景來修身兼竭節誰識作銘才  
表怨已咏弄風一首

綺閣雲霞滿芳林草樹新鳥驚疑欲曙花咲不開春



山對彈琴客溪流垂釣人請看車馬客行處有風塵  
李白觀元丹丘坐巫山屏風一首

昔遊三峽見巫山見畫巫山宛相似疑是天邊十二  
峰飛入君家綵屏裡寒風蕭瑟如有聲陽臺微茫如  
有情錦衾瑤席何寂寂楚王神女何盈盈盈盈咫尺  
如千里翠屏丹崖燦如綺蒼七遠樹圍棘門歷歷行  
舟泛巴水水石潺湲萬壑分烟光草色俱氤氛溪花  
笑日何年發江客聽猿幾歲聞使人對此心緬邈疑  
入嵩丘夢綵雲

燈

顏真卿五言夜晏咏燈聯句一首

桂酒牽詩興蘭缸照客情十脩詎慙珠乘朗不讓月

輪明張薦破暗光初白浮雲色轉清真卿帶花疑在

樹比燎欵分庭書顧已慙微照開簾識近汀真卿

李頎送綦毋三寺中賦得紗燈一首

禪室吐香燼輕紗籠翠烟長繩掛青竹百尺垂紅蓮  
熠燿眾星下玲瓏雙塔前含光待明發此別豈徒然

燭

太宗咏燭二首

熠燿風來動花開不待春鎮下千行淚非是為忠人



其二

九龍焔焔動四照逐花生卽此流高殿堪持待月明

李嶠咏燭一首

兔月清光隱能盤盡烛新三星花入夜四序玉調晨  
浮炷依羅幌吹香匝綺茵若逢燕國相持用舉賢人

褚亮詠燭花一首

蘭逕香風滿梅梁暖日斜言是東方騎來尋南陌車  
歷星臨夜燭眉月隱輕紗莫言春稍晚自有鎮開花

扇

李嶠詠扇一首

翟羽舊傳名蒲葵價不輕花芳不滿面羅薄詎障聲  
禦熱含風細臨秋帶月明同心如何贈持表合歡情

牀

李嶠咏牀一首

傳聞有象牀疇昔獻君王玳瑁千金起珊瑚七寶粧  
桂筵含柏馥蘭席拂沉香願奉羅帷夜長承秋月光

席

李嶠詠席一首

避坐承宣父重筵揖戴公桂香浮半月蘭氣襲回風  
舞拂丹霞止歌清白雪中佇將文綺色舒卷帝王宮



杖

駱賓王挑燈杖一首

稟質非貪熱焦心豈懼熬終知不自潤何處用脂膏  
杜甫桃竹杖引一首

江心蟠石生桃竹蒼波噴浸尺度足斬根削皮如紫  
王江妃水仙惜不得梓潼使君開一束滿堂賓客皆  
嘆息憐我老病贈兩莖出入爪甲鏗有聲老夫復欲  
東南征垂濤鼓柂白帝城路幽必爲鬼神奪杖劔或  
與蛟龍爭重爲告曰杖兮杖兮尔之生也甚正直慎  
勿見水踴躍學變化爲龍使我不得尔之扶持滅跡

取樂須臾問寧問聲與音

獵

太宗出獵一首

楚王雲夢澤漢帝長楊宮豈若因農暇閱武出轅嵩  
三駟陳銳卒七萃列林雉寒野霜色白平原燒火紅  
凋戈夏服箭羽騎綠沉弓怖獸潛幽壑驚禽散翠空  
長烟晦落景灌木振嚴風所謂除民瘼非是悅秋叢

高適同群公出獵海上一首

畋獵自古昔况伊心賞俱偶與群公遊曠然出平蕪  
層陰漲溟海殺氣窮幽都鷹隼何翩翩馳聚相傳呼



豺狼竄榛莽麋鹿懼艱虞  
高鳥下駢弓困獸鬪匹夫  
塵驚大澤晦火燎深林枯  
失之有餘恨獲者無全軀  
咄彼工拙間恨非指縱徒  
猶懷老氏訓感歎此歡娛  
玄宗校獵義成喜逢大雪  
率題九韻以示群

臣一首

張矢威天下旌旗遊近縣  
一面施烏羅三驅教人戰  
暮雲積成雪曉色開行殿  
皓然原隰同不覺野林變  
北風勇士馬東日華組練  
觸地銀聲出連山縞鹿見  
月兔落高矧星狼下急箭  
既欣盈尺兆復憶磻溪便  
歲豐料遇賢俱荷阜天眷

思繁皎然懷賢又組謝贈遠空攀援崔引八座欽懿

躅高明播乾坤史仲宣松深引閑步葛弱供險捫陸羽

花氣酒中馥雲華衣上屯羅森沈列胡樹牢落望郊

園陸吐白日半巖岫清風滿丘樊裴幼清旌旄間翠幄

簫鼓來朱旛柳淡閑路躡雲影清心浴水源釋南萍

連浦中嶼竹遶山下村顏顥景落全溪暗烟凝半嶺

昏顏頊去日往如復換年凉代温顏頊登臨繼風騷

義激舊府恩李嶠

李白咏山樽一首

擁腫寒山木欹空成酒樽  
愧無江海量偃蹇在君門



李白咏山樽一首

蟠木不凋飾且將斤斧踈樽成山岳勢材是棟梁餘  
外與金壘並中涵玉醴虛慙君垂拂拭遂忝玳筵居

瓢

張說咏瓢一首

美酒酌懸瓢直淳好相映蝸房卷墮首鶴頸抽長袖  
雅色素而黃虛心輕且勁豈無雕刻者貴此成天性

鄭審酒席賦得匏瓢一首

華閣與賢開仙瓢自遠來幽林常伴許陋巷亦隨回  
掛影憐紅壁傾心向綠杯何曾斟酌處不使玉山頹

碗

杜甫又於常處乞大邑瓷碗一首

大邑燒瓷輕且堅扣如哀玉錦城傳君家白盃勝霜  
盃急送茅齋也可憐

瓶

杜甫銅瓶一首

亂後碧井廢時清瑤殿深銅瓶未失水百尺有哀音  
側想美人意應悲寒鬢沉蛟龍半缺落猶得折黃金

水筒

杜甫信行遠脩水筒一首



唐詩類苑卷之九十一  
十一  
汝性不茹葷清淨僕夫內秉心識本源於事少滯礙  
雲端水筒圻林表山石碎觸熱藉子修通流與厨會  
往來四十里荒險崖谷大日曛驚未食顏赤媿相對  
浮瓜供老病裂餅常所愛於斯荅恭謹足以殊殺最  
詎要方士符何假將軍蓋行諸直如筆用意崎嶇外

唐詩類苑第九十三卷終

唐詩類苑第九十四卷

仁和卓明卿澂父編輯

華亭張之象玄超

長洲毛文蔚豹孫同校

服食部

帽

李白荅友人贈烏紗帽一首

領得烏紗帽全勝白接羅山人不照鏡稚子道相宜

巾

張說翻著葛巾呈趙尹一首



唐詩卷之九十四  
昔日接罹倒今我葛巾翻  
宿酒何曾醒形骸不復存  
忽聞有嘉客躡步出閑門  
桃花春徑滿誤識武陵源  
趙冬義和張燕公翻著葛巾一首

美酒值芳春醒餘氣益真  
降歡時倒徒乘興偶翻巾  
徐榻思芳建左車理自均  
傲然歌一曲一醉濯纓人  
王維酬賀四贈葛巾之作一首

野巾傳惠好茲貺重兼金  
嘉此幽棲物能齊引吏心  
早朝方暫挂晚沐復來簪  
坐覺囂塵遠思君共入林

簪

張九齡答陳拾遺贈竹簪一首

與君嘗此志因物復知心  
遺我鍾龍節非無玳瑁簪  
幽素宜相重雕華豈所任  
為君安首飾懷此代兼金  
衣

劉希夷擣衣篇一首

秋天瑟瑟夜漫漫夜白天清  
玉露團燕山遊子衣裳  
薄秦地佳人閨閣寒欲向  
樓中縈楚練還來機上裂  
齊紈攬紅袖兮愁徒倚  
盼青砧兮悵盤桓盤桓徒倚  
夜已久螢火雙飛入簾  
牖西北風來吹細腰  
東南月上浮纖手  
此時秋月可伶明  
此時秋風列有情  
君看月下參差影  
為聽莎間斷續聲  
絳河轉兮青雲曉飛



鳥鳴兮行人少攢眉緝縷思紛紛對影穿針寃悄悄  
聞道還家未有期誰怜登隴不勝悲夢見君容亦舊  
日為許裁縫改昔時緘書逐寄交河曲須及明年春  
草綠莫嫌衣上有斑斑只為思君淚相續

李白擣衣篇一首

閨裏佳人年十餘嘔蛾對影恨離居忽逢江上春歸  
燕銜得雲中尺素書玉手開緘長歎息狂夫猶戍交  
河北萬里交河水北流願為雙燕泚中洲君邊雲擁  
青絲騎妾處苔生紅粉樓樓上春風日將歇誰能攬  
鏡看愁髮曉吹簫管墮落花夜擣戎衣向明月明月

高七刻漏長真珠簾箔掩蘭堂橫垂寶幃同心結半  
拂瓊筵蘇合香瓊筵寶幃連枝錦燈燭螢螢照孤寢  
有使憑將金剪刀為君畱下相思枕摘盡庭蘭不見  
君紅巾拭淚坐氤氳明年若更征邊塞願作陽臺一  
段雲

吳大江擣衣一首

沙塞秋應晚金閨恨已空那堪裂紉素時許出房櫳  
杵影弄寒月砧聲調夜風裁縫雙泪盡萬里寄雲中

杜甫擣衣一首

亦知戍不返秋至試清砧已近苦寒月况經長別心



唐詩類苑 卷之九十四 服食部 三 裴齊周本

寧辭持衣倦一寄寒垣深用盡閨中力君聽空外音

李白答張相公寄羅衣一首

張衡殊不樂應有四愁詩慙君錦繡段贈我慰相思  
鴻鵠復矯翼鳳凰思故池榮榮一如此商山老紫芝

袍

岑參尚書念舊垂賜袍衣率題絕句獻上以

申感謝一首

富貴情還在相逢豈問然綈袍更有贈猶荷故人憐

褥

杜甫太子張舍人遺織成褥段一首

客從西北來遺我翠織成開緘風濤湧中有棹尾鯨  
逶迤羅水族瑣細不足名客云克君褥承君終宴榮  
空堂矚魅走高枕形神清領客珍重意願我非公卿  
留之懼不祥施之混柴荆服飾定尊卑大哉萬古程  
今我一賤老短褐更無營煌煌珠宮物寢處禍所嬰  
歎息當路子干戈尚縱橫掌握有權柄衣馬自肥輕  
李鼎死岐陽實以驕貴盈來填賜自盡氣豪直阻兵  
昔聞黃金多坐見悔吝生奈何田舍翁受此厚貺情  
錦鯨卷還客始覺心和平振我麤席鹿媿客茹藜羹

裘

唐詩類苑 卷之九十四 服食部 三 裴齊周本



李白謝殷明佐見五雲裘歌一首

我吟謝眺詩上語翔風颯七吹飛雨謝眺已沒青山  
空後來繼之有殷公粉圖玕裘五雲色曄如晴天散  
絲虹文章彪炳光陸離應是素娥王女之所爲輕如  
松花落金粉濃似苔錦含碧滋遠山積翠橫海島殘  
露霏丹映江草凝毫採掇花露容幾年功成奪天造  
故人贈我七不遠着令山水含清暉頓驚謝康樂詩  
興生我衣衿前林壑歛暝色袖上烟霞收夕霏羣仙  
長嘆驚此物千崖萬壑相縈鬱身騎白鹿行飄飄手  
翳紫芝笑披拂相如不足誇鸛鷄王恭鶴氅安可方

瑤臺雪花數千點片片吹落春風香爲君持此凌蒼  
蒼上朝三十六王皇下窺夫子不可及矯手相思空  
斷腸

被

李嶠詠被一首

桂友尋東閣蘭交聚北堂象筵分錦綉羅薦合鴛鴦  
光逸偷眠穩王章泣恨長孔懷欣共寢棣萼幾含芳

酒

李白將進酒一首

君不見黃河之水天上來奔流到海不復迴君不見



唐詩類苑 卷之九十四 雜詩五 楊齋周  
高堂明鏡悲白髮朝如青絲暮如雪人生得意須盡  
歡莫把金樽空對月天生我才必有用千金散盡還  
復來烹羔宰牛且爲樂會須一飲三百杯岑夫子丹  
丘生進酒君莫停與君歌一曲請君爲我聽鍾鼎千  
帛不足貴但願常醉不願醒古來聖賢皆寂寞惟有  
飲者留其名陳王昔日宴平樂斗酒十千恣歡譁主  
人何爲言少錢且須沽酒對君酌五花馬千金裘呼  
兒將出換美酒與爾同消萬古愁

李嶠詠酒一首

孔坐洽良傳陳筵幾獻酬臨風竹葉滿湛月桂香浮

每接高陽宴長陪河朔遊會從玄石飲雲雨出圓丘

李白前有樽酒行二首

春風東來忽相過金樽綠酒生微波落花紛七稍覺  
多美人欲醉朱顏酡青軒桃李能幾何流光欺人忽  
蹉跎君起舞日西夕當年意氣不肯平白髮如絲歎  
何益

二

琴奏龍門之綠桐玉壺美酒清若空催絃拂柱與君  
飲看朱成碧顏如紅胡姬貌如花當釪笑春風笑春  
風舞羅衣君今不醉將安歸



王績看釀酒一首

六月調神曲正朝汲美泉從來作春酒未省不經年  
高適同河南李少尹畢員外宅夜飲時洛陽  
告捷遂作春酒歌一首

故人美酒勝濁醪故人清詞合風騷長歌滿酌惟我  
曹高談正可揮塵毛半醉忽然持蟹螯洛陽告捷傾  
前後武侯腰間印如斗即官無事時飲酒杯中綠蟻  
吹轉來甕上飛花拂還有前年持節將楚兵去年雷  
司在東京今年復拜二千石盛夏五月西南行彭門  
劍門蜀山裡昨逢軍人劫奪我到家但見妻與子賴

得飲君春酒數十盃不然令我愁欲死

王績嘗春酒一首

野觴浮鄭酌山酒漉陶巾但令千日醉何惜兩三春

駱賓王春酒一首

朔空曾紀曆帶地舊疎泉色泛臨邛瑞香流赴蜀仙  
欸交欣散玉怡友悅沉錢無復中山賞空吟吳會篇  
張說奉蕭中令酒并詩一首

張說奉宇文黃門酒一首

樂奏天恩滿盃來秋興高更蒙蕭相國對酒飲醇醪  
聖德垂甘露天章下大風又承黃閣賞願作黑頭翁



唐詩類苑 卷之九十一 月餘  
張說奉裴中書酒一首

西掖恩華降南宮命席闌詎知鷄樹後更接鳳池歡

杜甫謝嚴中丞送青城山道士乳酒一瓶一首

山瓶乳酒下青雲氣味濃香幸見分鳴鞭走送隣漁父洗觥開嘗對馬軍

杜甫孟倉曹步趾領酒醬二物滿瓶見遺老夫一首

楚岸通秋屐胡床面夕畦藉糟分汁滓甕醬落提携飯糲添香味朋來有醉泥理生邪免俗方法報山妻

李白對酒一首

勸君莫拒盃春風咲人來桃李如舊識傾花向我開  
流鶯啼碧樹明月窺金壘昨日朱顏子今日白髮催  
棘生石虎殿鹿走姑蘇臺自古帝王宅城闕閉黃埃  
君若不飲酒昔人安在哉

李白對酒行一首

松子棲金華安期入蓬海此人古之仙羽化竟何在  
浮生速流電倏忽變光彩天地無凋換容顏有遷改  
對酒不肯飲含情欲誰待

崔國輔對酒吟一首

唐詩類苑

卷之九十一 月餘

崔國輔



行行日將夕荒村古塚無人迹  
蒙籠荆棘一鳥鳴  
屢唱提壺沽酒聲  
人不達酒不足遺恨精靈傳此曲  
寄言世上諸少年平生且盡盃中醪

張謂湖中對酒作一首

夜行不厭湖上月晝行不厭湖上山  
眼前一樽又長滿  
心中萬事如等閑  
主人有黍萬餘石濁醪數斗應不惜  
即今相對不盡歡別後相思復何益  
茱萸灣頭歸路賒  
願公且宿黃公家  
風光若此人不醉  
參差辜負東園花

王勃對酒一首

投簪下山閣携酒對河梁  
狹水牽長鏡高花送斷香  
繁鸚歌似曲踈蝶舞成行  
自然催一醉非但閱年光

賈至酒對曲二首

梅發柳依七黃鸝歷亂飛  
當歌憐酒色對酒惜芳菲  
曲水浮花氣流風散舞衣  
通宵留暮雨上客莫言歸

二

春來酒味濃舉酒對春叢  
一酌千憂散三盃萬事空  
放歌乘美景醉舞向東風  
寄語尊前客生涯任轉蓬

張說對酒行一首

留侯封萬戶園令壽千金  
本爲成王業初由賦上林



唐詩類苑 卷之九十一 李白詩 繁縈安定恃霜露迤相尋烏哭楚山外猿啼湘水陰  
夢中城闕近天畔海雲深空對忘憂酒離憂不去心

李白月下獨酌四首

花間一壺酒獨酌无相親舉盃邀明月對影成三人  
月既不鮮飲影徒隨我身暫伴月將影行樂須及春  
我歌月徘徊我舞影凌亂醒時同交歡醉後各分散  
永結无情遊相期邈雲漢

天若不愛酒七星不在天地若不愛酒地應無酒泉  
天地既愛酒愛酒不愧天已聞清比聖復道濁如賢  
賢聖既已飲何必求神仙三盃通大道一斗合自然

但得醉中趣勿爲醒者傳

三月咸陽城千花書如錦誰能春獨愁對此經須飲  
窮通與修短造化夙所稟一樽齊死牛萬事固難審  
醉後失天地兀然就孤枕不知有吾身此樂最爲甚

又

窮愁千萬端美酒三百盃愁多酒雖少酒傾愁不來  
所以知酒聖酒酣心目開辭粟卧首陽屢空飢顏回  
當代不樂飲虛名安用哉蟹螯卽金液糟丘是蓬萊  
且須飲美酒乘月醉高臺

李白獨酌一首

唐詩類苑

卷之九十一 李白詩

李白詩



唐詩類苑 卷之九十四 仙館部 十 松齋閣本  
春草如有意羅生玉堂陰東風吹愁來白髮坐相侵  
獨酌勸孤影閑歌面芳林長松爾何知蕭瑟為誰吟  
手舞石上月膝橫花間琴過此一壺外悠悠非我心

李白獨酌寄常六一首

巢父將許由未聞買山隱道存迹自高何憚去人近  
紛吾下茲嶺地閑誼亦泯門橫群岫開水鑿衆泉引  
屏高而在雲霄深莫能準川光晝眠凝林氣夕淒緊  
於焉摘朱果兼得養玄牝坐月觀寶書拂霜弄瑤軫  
傾壺事幽酌顧影還徂晷念君風塵遊傲尔令自哂  
李白獨酌清溪江石上寄權招夷一首

我携一樽酒獨上江祖石自從天地開更長幾千尺  
舉盃向天咲天迴日西照未賴坐此石長垂巖陵釣  
寄謝山中人可與爾同調

王績獨酌一首

浮牛知幾日无狀逐空名不如多釀酒時向竹林傾  
杜甫獨酌一首

步屨深林晚開樽獨酌遲仰蜂粘落絮行蟻上枯梨  
薄劣慙真隱幽偏得自怡本无軒冕意不是傲當時

杜甫獨酌成詩一首

燈花何太喜酒綠正相親醉裡從為客詩成覺有神



唐詩類苑 卷之九十四 兵戈猶在眼 儒術豈謀身 若被微官縛 低頭愧野人  
張說清夜酌一首

秋陰多士感 雨息夜无塵 清樽宜明月 復有平生人  
李白山中與幽人獨酌一首

兩人對酌山花開 一盃一盃復一盃 我醉欲眠卿且  
去 明朝有意抱琴來

王維酌酒與裴迪一首

酌酒與君君自寬 人情翻覆似波瀾 白首相知猶按  
劍 朱門先達笑彈冠 草色全經細雨濕 花枝欲動春  
風寒 世事浮雲何足問 不知高卧且加餐

李白白漢陽病酒歸寄王明府一首

去歲左遷夜郎道 琉璃碗水長枯槁 今年勅放巫山  
陽 蛟龍筆翰生輝光 聖主還聽子虛賦 相如却欲論  
文章 願掃鸚鵡洲與君醉 一場嘯起白雲飛 七澤歌  
吟綠水動 三湘莫惜連船沽美酒 千金一擲買春芳

李白暖酒一首

熱暖將來賓 織文暫時不動聚 白雲撥却白雲見 青  
天撥頭裡 許便乘仙

李白待酒不至一首

玉壺繫青絲 沽酒來何遲 山花向我咲 正好銜盃時

唐詩類苑 卷之九十四 兵戈猶在眼 儒術豈謀身 若被微官縛 低頭愧野人



晚酌東窗下流鶯復在茲春風與醉客今日乃相宜  
劉希夷故園置酒一首

酒熟人須飲春還鬢已秋願逢千日醉得緩百年憂  
舊里多青草新知盡日頭風前灯易滅川上月難留  
卒卒周姬且棹上魯孔丘平生能幾日不及且遨遊

杜甫飲中八仙歌一首

知章騎馬似乘船眼花落井水底眠汝陽三斗始朝  
天道逢麴車口流涎恨不移封向酒泉左相日與費  
萬錢飲如長鯨吸百川銜盃樂聖稱避賢宗之瀟洒  
美少年舉觴白眼望青天皎如玉樹臨風前蘇晉長

齋繡佛前醉中往往愛逃禪李白一斗詩百篇長安  
市上酒家眠天子呼來不上船目稱臣是酒中仙張  
旭三盃草聖傳脫帽露頂王公前揮毫落紙如雲烟  
焦遂五斗方卓然高談雄辯驚四筵

麵

杜甫槐葉冷麵一首

青七高楓葉采掇付中厨新麵來近市汁滓宛相俱  
入鼎資過熟加飡愁欲無碧鮮俱照筋香飯蕪苞蘆  
經齒冷如雪勸人投比珠願隨金騾馭走置錦屠蘇  
路遠思恐泥興深終不渝獻芹則小小薦藻明區區



萬里露寒殿開水清玉壺君王納涼晚此味亦時須  
粥

儲光義喫茗粥作一首

當書暑氣盛鳥雀靜不飛念君高梧陰復解山中衣  
數片遠雲度曾不蔽炎暉淹留膳茶粥共我飢蕨薇  
敝廬既不遠日暮徐徐歸

鱠

杜甫閩鄉姜七少府設鱠戲贈長歌一首

姜卿設鱠當嚴冬昨日今日皆天風河凍未漁不易  
得鱠冰恐侵河伯宮饗人受魚鮫人手洗魚磨刀魚

眼紅無聲細下飛碎雪有骨肉剝背春忽偏勸腹腹  
愧年少軟炊香飯綠老翁落碁何曾白紙濕放筋未  
覺金盤空新懽便飽姜侯德清觴異味情筭極東歸  
貪路自覺難欲別上馬身無力可伶爲人好心事於  
我見子真顏色不恨我衰子貴時悵望且爲今相憶

素饌

王維慕容承携素饌見過一首

紗帽烏皮几閑居懶賦詩門看五柳識年筭六身知  
靈壽君王賜彫胡弟子炊空勞酒食饌特底解人願

茶



荅族姪僧中孚贈玉泉仙人掌茶一首并序  
余聞荊州玉泉寺近清溪諸山山洞往往有乳  
窟窟中多玉泉交流中有白蝙蝠大如鷓按仙  
經蝙蝠一名仙鼠千歲之後體白如雪棲則倒  
懸蓋飲乳水而長生也其水邊處處有茗草羅  
生枝葉如碧玉唯玉泉真公常采而飲之年八  
十餘歲顏色如桃花而此名清香滑熟異於他  
者所以能還童振枯壯人壽也余遊金陵見宗  
僧中孚示余茶數十片拳然重疊其狀如手號  
為仙人掌茶蓋新出乎玉泉之山曠古未覲因

贈之見遺兼贈詩要余荅之遂有此作後之高  
僧大隱知僊人掌茶發乎中孚禪子及青蓮居  
士李白也

嘗聞玉泉山山洞多乳窟仙鼠如白鷓倒懸深溪月  
茗生此中石玉泉流不歇根柯洒芳津採服潤肌膚  
叢老卷綠華枝上相接連曝成仙人掌似有洪崖肩  
舉世未見之其名定誰傳宗英乃禪伯投贈有佳篇  
清鏡燭無鹽顧慚西子妍朝坐有餘興長吟播諸天  
顏真卿五言月夜啜茶聯句一首

泛花邀坐客代飲引情言陸士醒酒宜華席留僧想



獨園薦不須攀月桂何假樹庭萱萼御史秋風勁尚

書北斗尊崔万流華淨肌骨疏滄滌心原真卿不似

春醪醉何辭綠菽繁書素瓷傳靜夜芳草滿閑軒仕

修

王帛郡

王

陳子昂觀荆王篇一首

鷓夷雙白至此王有碯磷懸之千金價舉世莫知真  
丹青非異色輕重有殊倫勿信王工言徒悲荆國人

李嶠咏土一首

映石先過魏連城欲向秦洛陽陪勝友燕趙類佳人  
方水晴虹媚常山瑞馬新徒為卞和識不遇楚王珍

珠

李嶠咏珠一首

燦爛金輿側玲瓏玉殿隈昆池明月滿合浦夜光迴  
彩逐靈蛇轉形隨舞鳳來耳泉宮起罷花媚望風臺

金

李嶠咏金一首

南楚標前貢西秦識舊城祭天封漢嶺擲地警孫聲  
向日披少淨含風振鐸鳴方同楊伯起獨有四知名



銀

李嶠咏銀一首

思婦弄輝遠遊人燭影長  
玉壺初下箭桐井共安牀  
色帶長河色光浮滿月光  
靈山有瓊甕仙闕薦君王

錢

李嶠咏錢一首

漢日五銖建姬年九府流  
天龍帶泉寶地馬列金溝  
趙氏壺初乏何曾著款收  
金門應入論工井冀來求

絲

杜甫白絲行一首

縹絲須長不須白越羅蜀錦金粟尺象床玉手亂殷  
紅萬草千花動凝碧已悲素質隨昔染裂卜鳴機色  
相對美人細意熨帖平裁縫滅畫針線迹春天衣著  
為君舞蛺蝶新來黃鸝語落絮遊絲亦有情隨風照  
日宜輕舉香汗清塵汚顏色開新合故置何許君不  
見才士汲引難恐懼棄捐忍羈旅

錦

李嶠咏錦一首

漢史巾車遠河陽步障陳雲浮仙石日霞浦蜀江春  
機迴迴文巧紳蕪束髮新若逢楚王貴不作後行人



綾

金縷通秦國為裘指魏君落花遙為霞飛鶴近圖雲  
馬眼冰陵影竹根霜霞文何常畫秦女烟際坐氛氲

羅

李嶠咏羅一首

妙舞隨裙動行歌入扇清蓮花依帳發秋月鑿帷明  
雲溥衣初捲蟬飛翼轉輕若环三代服同擅綺紈名

布

李峯咏布一首

御績創羲黃緇冠表素王瀑飛臨碧海火浣擅炎方

孫被登三相劉衣闡四方佇因春斗粟來曉棣華芳

素

李嶠咏素一首

弱腕秦川女纖腰洛浦妃魚織遠方望鴈足上林飛  
妙奪鮫綃色光騰月扇輝非君下路去誰賞故人機



唐詩類苑 卷之九十四 食部 二十八 終齋問本

唐詩類苑第九十四卷終





